

Ունի քաղաքն զպարիսպ և զբերդ՝ շինեալ ի վաղ ժամանակաց, և այժմ ըստ մասին քայքայեալ: Շինուածք են ի քարանց, և են իբրև զշինուածս բերդից: Են ի նմա չորս եկեղեցիք. մին Ֆրանչիսկեանց, միւսն մառոնոց, երրորդն հերձուածող յունաց, իսկ չորրորդն ուղղափառ յունաց, զոր նորոգ շինեալ էր իշխան քաղաքին խօճայ իսլաւահիմն՝ ծախեալ ի շինութիւն նորա իբրև զվատսուն քէսէ. որոց և յատակն է ի մարմարիտնայ քարանց, զորս գտեալ են ի պեղելն զերկիր. այս եկեղեցի յառաջագոյն ամ ըստ ամէ տայր շէխին հինգ հարիւր դահեկան. իսկ ամօք ինչ յառաջ առաջնորդն հերձուածող յունաց խոստացեալ է շէխին, թէ տաց քեզ ամ ըստ ամէ հազար դահեկան, եթէ զեկեղեցին ուղղափառաց տացես ինձ. իսկ շէին ասացեալ է նմա. ոչ այդպէս. այլ դու և նա ևս տաջիք ամ ըստ ամէ հազար դահեկան, և իւրաքանչիւրն կալցէ զիւր եկեղեցի. ապա յայնմ հետէ երկոքին ևս տան հազար դահեկան: Զայս լուեալ պատրիարզին կոստանդնուպօլսոյ՝ նզովեալ է զառաջնորդն հակառակող, և յաքսորս առաքեալ, յորում և մեռեալ է ի նզովս: Բնակիչք քաղաքին ըստ մեծի մասին են ուղղափառ յոյնք. իսկ ի մնացելոց՝ ոմանք են մառոնիթք, և ոմանք յոյնք հերձուածողք. իսկ տաճիկք արաբացիք սակաւ են և յանարգ գործս պարապեալ. են ևս ոմանք ի հայոց աղքատք. և սոքա ամենեքին առ հասարակ խօսին արաբացւոց լեզուաւ. և ամենեքին սարըխլը են մեծամեծ սարըխով, և ոչ են թխադէմք իբրև զաղէքսանդրացիս: Եկեղեցականք տեղոյն ոչ տան զխարան: Իշխան քաղաքին շէխ է. և է իբրև թէ ընդ իշխանութեամբ փաշային սէրտեյի, որ է սիդոն, զի տայ նմա հարկս: Ինքն գրեթէ ոչինչ առնէ ի քաղաքին. այլ փոխան իւր կացուցեալ է ի վերայ քրիստոնէից զբարերարն մեր: Օդ քաղաքին ջերմ է զբեթէ ըստ ջերմութեան օդոյն աղէքսանդրոյ:...

Ի յագրի ի 3 յուլիսի  
1769

Նուաստ ծառայ Հայր Մանուէլ [էմիրզէ],  
Հայր Սուքէաս [Աղամալեանց] և Հայր Միքայէլ [Զամչեան]

**ՄԼ.**

**Վերոյիշեալ նամակագիրները այս անգամ ընդարձակ թղթով մը կը նկարագրեն Մարտիրոզ կուսաստանի մը տուած իրենց այցելութիւնը և հոն ունեցած իրենց առանձին տեսակցութիւնը համբաւաւոր սրբակիցաց կուսանի մը հետ, որ և Աստուծմէ յայտնութիւններ ու տեսիլներ կ'ընդունի եղբր. անոր շուրջ կը պատմեն նաև սքանչելիքներ: Կը տեղեկագրեն նաև Լիբանանու Անտոնեաններէն իրենց եղած հիւրասիրութիւնը:**

**Գերջարգելի Արքաձօր մերում Տեսան Տեսան Ստեփաննոսի յարունապետի խոնարհական համբուրիւ աչոյն՝ ողջոյն**

... Արդ՝ յետ կալոյ մեր ի պերութ աւուրս երկուս, եկն ի լեռնէ անտի ի վանացն կրօնաւորաց եղբայր ոմն ընդ Չորեպանի վանացն, և հանդերձեալ էր յերկրորդում աւուր դառնալ անդրէն, վասն որոյ կալաք զէս ի վարձու հնգետասան փարայիւ, և զնացաք ընդ նոսա ի լեռոն: Յանցանել մեր ընդ լերինսն՝ տեսաք վանորայս բազումս կրօնաւորաց և կուսանաց և զբազում եկեղեցիս, զոյին անդ և վանք մի փրանկիսկանաց և վանք մի յիսուսեանց: Եւ առ ճանապարհաւն ընդ որ մեք անցանէաք էր վանքն մառոնիթ կուսանաց յորում է կոյսն այն՝ զորոյ սրբութենէ բազում ինչ լուեալ էաք այդր ի մառոնիթ վաճառականէն. և խոտորեցաք անդ տեսանել զնա և օրհնել ի նմանէ մեք երեքեանս և եղբայրն այն. իսկ Չորեպանն յառաջ էանց և զնաց: Իբրև տեսին զմեզ կրօնաւորքն որք անդ արտաքոյ վանացն ունէին բնակութիւն, առեալ տարան զմեզ առ եպիսկոպոսն վերակացու և խոստովանահայր կուսանացն: Որոյ տեսեալ զմեզ՝ և հարցեալ թէ ուստի՞ էք,